

《續修四庫全書》編纂委員會編

續修四庫全書

上海古籍出版社

六〇二・史部・地理類

讀史方輿紀要一百三十卷（卷三十至卷三十八）

〔清〕顧祖禹撰

.....



山東方輿紀要序



山東之於京師犬牙相錯也語其形勝則不及雍
梁之險阻語其封域則不及荆揚之曠衍然能
為京師患者莫如山東何者積貯天下之大命也
漕渠中貫於山東江淮四百萬粟皆取道焉蘇徐
沛北境以接於滄景之南幾八百里而南旺分南
北之流高下懸絕於是相地置閘隨時啓閉以為
輓輸之助脫有不逞之徒乘間竊發八百里中尤
況可以塞也然孔可為災也吾虞南北咽喉忽。

中斷耳或者曰漕舟必出於山東故山東能爲方
師惠若脩元人海運之利風帆頃刻竟抵京師則
山東必無能爲害夫曰山東不濱海爲國乎自濱
州霑利之間取途渤海竟指天津不過五百餘里
繇登萊而指旅順口亦不過五百里天津河漕海
運之道所輳集也登萊旅順間又海運之途所必
經也脫有狡獪之徒憑依山嶼遠碣以南滄瀛以
東所在蠡起海運其能以無阻乎然則將柰何曰
山東者馭之得其道則吾唇齒之助也失其理則

肘腋之患也吾嘗俯仰古今而知能為幽燕患者
必於山東周錫齊侯之履曰東至於海西至於河
南至於穆陵北至於無棣故山東之國齊為最強
桓公北伐山戎制令支斬孤竹皆在燕之東境是
時燕弱小傳曰齊謀山戎以其病燕也蓋齊之於
燕直卵而翼之矣魯昭公七年齊侯伐燕盟於濡
上是時齊景公之世燕人猶且納女歸賂於齊誠
畏之也戰國時齊燕有刀兩立之勢子會之亂齊
宣以五都之兵伐之五旬而遂舉燕燕昭王以

方輿紀要

卷

地理

毅爲將合秦趙韓魏之師而後能雪耻於齊既不
田單復定齊地燕武成三七年田單伐燕於中陽
燕人不敵報也是何也齊之於燕也壤相錯也非
有過都歷國之艱涉山逾河之阻也天下之勝勢
不在秦必在齊在齊則必起而爭燕起而爭燕道
博濟向滄瀛不出十日戰於燕之城外矣觀於元
之末季田豐毛貴不過烏合之衆一旦竊據青齊
遂能北趨河間踰直沽破薊州畧柳林直逼元都
當此時江淮以南元人不遑復問矣太祖命將取

元都亦先下山東會師於東昌臨清之境然後下
德州克長蘆逾直沽舟師步騎夾河而向元都元
人不且宵遁哉然則山東其形勢之會乎是又不
然吾嘗慨夫齊之田氏席霸國之餘業不能於縱
橫之日發憤爲雄及五國既滅王賁東下遂束手
而臣虜於秦也楚漢之間田佗榮橫非無傑出之
材而皆奔亡不暇漢高威東西秦之說分王廢孽
授子肥以七十餘城無尤矜呂氏之禍也張步蓋
憲倔強於臨淄東海曾不足當光武之驅除劉公

擅有全兗乃竟敗沒於黃巾曹操以兗州始事不
功集於許都則可謂卓卓者歟至於曹魏及龔碑
間渾之屬類皆齷齪庸才宜不足以自保慕容德
撫有廣固亦再世而亡耳宋人經營於碣磳滑臺
寃不足以固三齊隋末徐圓朗盜有兗州不旋踵
而敗唐之中葉淄青叛命藉河北淮西相為影響
既及形援既弱卒以滅宋宋理宋瑄王全範不能以
鄆兗淄青之甲抗朱溫之鋒也所以然者豈不以
山東之地褊淺迫狹雖西峙泰山曾無重岡複嶺

之限東環大海亦無與突險固之都邢趙扼其項
而淮泗恃其足哉是故卻克入而立輿馬陘皆爲
坦途樂毅至而即墨莒城危於累卵韓信既破歷
下以開基耿弇復攻祝阿而發跡南入穆陵慕容
遂爲俘虜東踰汶上益都之亡也忽諸謂欲以一
隅之守當四面之師吾知其必無幸矣然則山東
固不足慮乎曰唐末王僊芝起於濮州黃巢起於
冤句初不過聚饑寒轉死之民爲縱橫竊涼之計
馴至流毒天下卒傾唐祚何爲其不足慮也然則

用山東者宜如何曰以自守則易弱以亡以攻人
則足以自強而集事齊桓公南征北伐用霸諸侯
孝公以後齊僅為自守之國是以終春秋之世累
代聽命於晉幾夷於魯衛斯不亦用齊之明如大
驗耶

讀史方輿紀要



山東一

禹貢海岱惟青州、周禮職方、正東曰青州

土居少陽其色

為春秋時齊地、其在天文、虛危、則齊分野、亦兼魯

衛之疆

今泰山以南兗州府至沂州之境、禹貢徐州地也、春秋時屬魯、天文奎婁分野、濟河

以北、東昌府及兗州府之西境、濟南府之北境、禹貢兗州地也、春秋時屬衛、於戰國兼得魏宋齊趙

之邾、衛分野、秦并天下、置齊郡、東郡、薛郡、琅邪、及見可南封域、

遼東等郡、漢置十三州、此亦為青州及兗州地

詳

州域形勢

下倣此。後漢因之。魏晉亦置青兗二州。永嘉以

後。陷於石勒及慕容皝。後又入於苻堅。堅敗。歸於

晉。晉置幽州於廣固。尋復為慕容德所據。義熙六

年。劉裕克南燕。復置青州及兗州。劉宋時兼置冀

州。治歷城。其後入於後魏。魏亡。屬高齊。尋為後周所

并。其分析不可得而詳也。隋亦置十三部而不詳

所統。唐貞觀初。分天下為十道。河濟以南屬河南

道。以北屬河北道。宋初隸京東路及河北路。後又

增置京東西路。

曹鄆諸州屬

金人分山東東路及

山東西路

東路理益都元亦置益都濟南等路直西路理東平

隸中書省

謂之腹裏 明初置山東等處承宣布政使司

領府六屬州十五縣八十九

總為里六千四百有奇夏秋二稅約二百

八十五萬九百五十三石有奇 而藩封衛所參列其間今仍為山東布政使司

藩封四

魯 高十

封兗州

漢 成二

封樂安宣德初革

德 英四

封濟南

衛 憲六

封青州

濟南府 屬州四 縣二十六

歷城縣 附郭 章丘縣 鄒平縣

淄川縣 長山縣 新城縣

齊河縣 齊東縣 濟陽縣

禹城縣 臨邑縣 長清縣

肥城縣 青城縣 陵縣

泰安州 屬縣二

新泰縣 萊蕪縣

德州 屬縣二

德平縣 平原縣

武定州 屬縣四

陽信縣 海豐縣 樂陵縣

商河縣

濱州 屬縣三

利津縣 霑化縣 蒲臺縣

兗州府 屬州四 縣二十三

嶧陽縣 附郭 曲阜縣 寧陽縣

鄒縣 泗水縣 滕縣

才身補

耶思

嶧縣

金鄉縣

魚臺縣

單縣

城武縣

濟寧州

屬縣三

嘉祥縣

鉅野縣

鄆城縣

東平州

屬縣五

汶上縣

東阿縣

平陰縣

陽穀縣

壽張縣

曹州

屬縣二

曹縣

定陶縣